

浩浩春風泛碧梧娟娟秋水照芙蓉
大師佛法無多子居士身心本一如

盤雲二首

今古無門閉是非無心出岫已知機
於今收拾歸山谷不逐春風上下飛

二

筆架山頭一片雲盤旋巖谷不求伸
時人只恐清風起吹作皇都雷雨春

戲鶴林

柱下固能官老子濼園亦可避莊周
鶴林不仕知何意快取青

道藏輯要

白真人集

七

真集三

檀越黑頭

次韻王將仕

散髮披襟樂醉鄉從朝笑語到斜陽
坐來一片蟬聲久未信人間有此涼

示周道士

前山隱隱起雷聲細雨絲絲濯草氛
何處飛來松上鶴晚風喚斷九天雲

贈詩仙

學詩有似學仙難鍊句難於學鍊丹
換骨脫胎君有訣炷香特特扣詩壇